



Examen HAVO 2018

tijdvak 1
dinsdag 8 mei
07.30 - 10.30 uur

Papiamentu

Bij dit examen hoort een bijlage en een uitwerkbijlage.

Noteer alle antwoorden op de uitwerkbijlage.

Dit examen bestaat uit een tekst met 22 vragen en een tekst met een samenvattingsopdracht.

Voor dit examen zijn maximaal 51 punten te behalen.

Voor elk vraagnummer staat hoeveel punten met een goed antwoord behaald kunnen worden.

Geef niet meer antwoorden (zinnen, redenen, voorbeelden e.d.) dan er worden gevraagd. Als er bijvoorbeeld één zin wordt gevraagd en je antwoordt met meer dan één zin, dan wordt alleen de eerste zin in de beoordeling meegeteld.

Teksto 1 ***Selfie***: simplemente narsismo?

1p 1 Kua konsepto ta indiká mihó funshon di e introdukshon (e parti *kursivo* i **vèt** na kuminsamentu), relashoná ku sobrá di e teksto?

- A anékdota
- B definishon
- C konklushon
- D resúmen

Despues di e introdukshon, e teksto akí ta konsistí di un kantidat di parti:

Parti 1: alinia 1-2

Parti 2: alinia 3-4

Parti 3: alinia 5-7

Parti 4: alinia 8-10

Parti 5: alinia 11

1p 2 Kua suptítulo ta kuadra mihó ku Parti 1, alinia 1 i 2?

- A inovativo i inteligente
- B orígen i funshon
- C popular i útil
- D repartishon i espektaktiva

1p 3 Kua suptítulo ta kuadra mihó ku Parti 2, alinia 3 i 4?

- A empatia
- B krítika
- C peliger
- D prohibishon

2p 4 Lesa alinia 2 i formulá ku bo mes palabra kiko e outor ke bisa aki.

Kuminsá ku e palabra ‘*Selfie*’ i usa un máksimo di 20 palabra.

- 1p 5 Na kuminsamentu di alinia 3, e outor ta trese dilanti ku sierto hende ta kuestioná sakamentu di *selfie*.
A base di kiko e grupo akí ta desaprobá *selfie*?
Nan argumento ta basá riba
A kousalidat.
B moralidat.
C outoridat.
D utilidat.
- 1p 6 Kua di e siguiente opshonnan ta indiká struktura di alinia 3 mihó?
Alinia 3 ta kuminsá ku un
A argumento prinsipal, siguí pa dos supargumento i un kontraargumento.
B argumento prinsipal, siguí pa tres supargumento.
C ponensia, siguí pa dos argumento prinsipal i elaborashon di esun di dos.
D ponensia, siguí pa un argumento prinsipal i dos supargumento.
- 1p 7 Alinia 5 ta kuminsá ku un pregunta: *Pero realmente tin relashon entre un personalidat narsista i e fenómeno di publiká portrèt propio riba ret sosial?*
Kiko ta bisa den Parti 3 relashoná ku esaki?
A Awor a haña prueba científiko pa e relashon entre e dos fenómenonan.
B Pa motibu di e komportashon di publiká *selfie*, e kantidat di hende ku tendensia narsista ta oumentá sí.
C Ta solamente loke hende ta pensa, pero en realitat no tin relashon ètòl.
D Tin muchu mas faktor ku ta influensiá e kustumber di publiká *selfie*.
- 1p 8 Den alinia 5 ta menshoná e teoria di aktitut planiá (*Theory of Planned Behavior, TPB*).
Kon e outor ta splika nos, e lesadónan, kiko e diferente elementonan di TPB ta enserá, den Parti 3 di e teksto?
A E ta fundamentá resultado di e investigashon ku estadística.
B E ta kompartí su eksperensianan personal ku TPB ku nos.
C E ta laga diferente eksperto riba tereno di TPB na palabra.
D E ta trese aplikashon i situashon dilanti ku ta rekonosibel.
- 1p 9 Lesa e último dos frasenan di alinia 7. (*'E siguiente ... ei nunka.'*)
Kiko ta e relashon entre e dos frasenan akí?
E frase '*Si nunka ... ei nunka*' ta
A añadí ehèmpel na e frase anterior.
B kontradesí loke tin den e frase anterior.
C refutá loke tin den e frase anterior.
D trese un solushon pa loke tin den e frase anterior.

- 3p 10 Den alinia 8 tin pará: 'Komo ku ... efekto terapéutiko.'
 Splika kiko ke men ku e frase den kuadro di e artíkulo akí.
Usa un máksimo di 25 palabra.

- 2p 11 Lesa e siguiente ponensianan.
 Indiká ku krus si nan ta korekto òf inkorekto a base di alinia 8.

Ponensia	
1	Sakamentu di <i>selfie</i> ta algu típico pa hóben i nan búskeda pa afirmashon.
2	Kisas, segun hóben narsista krese, nan tendensia narsista ta disparsé.
3	Publikashon di <i>selfie</i> por ta positivo, pero por tin konsekuensia negativo tambe pa e sakadó di <i>selfie</i> .

- 2p 12 E outor tin su vishon tokante komentario riba *selfie*. (*Mira alinia 10.*)
 Kua vishon e outor tin?
Formulá bo kontesta den bo propio palabra, finalisando e siguiente frase ku un máksimo di 20 palabra:
 E outor ta haña ku i finalmente

- 2p 13 Aki bou ta sigui algun sita for di e artíkulo.
 Indiká ku krus tras di kada sita si ta trata di un ECHO òf un OPINION.

Sita	
1	... gradualmente e usuarionan a pone ku e palabra akí a haña popularidat, pa motibu ku nan tabata usa e palabra <i>selfie</i> pa e portrèt ku nan tabata saka di nan mes. (<i>alinia 1</i>)
2	E ta demostrá ku tin un relashon misterioso entre loke hende ta kere i loke nan ta hasi realmente. (<i>alinia 5</i>)
3	Ta inhustu pa titulá un akto como negativo djis pasobra tin un grupito ku tin demasiado atenshon, i otro ku ta haña muchu pokó di esaki. (<i>alinia 10</i>)

- 1p 14 Originalmente, e artíkulo tabatin un ekspresshon como frase final, pero a kit'é for di e teksto.
 Kua di e siguiente ekspresshonnán lo ta adekuá pa finalisá e artíkulo?
 A Pasobra aparenzia ta gaña.
 B Pasobra kada sapatu tin su pía.
 C Pasobra papia ta oro, keda ketu ta djamanta.
 D Pasobra un imágen ta bisa mas ku mil palabra.

- 2p 15 Na ki manera e outor ta trata e tema den e artíkulo akí?
Skohe tres opshon for di e lista aki bou:

alegre – desepshoná – distante – emoshoná – envolví – humorístiko – iritá – irónico – kuidadoso – ophetivo – outoritario – preokupá – rabiá – realístiko – sarkástiko – serio – suphetivo – tristu

- 1p 16 Kiko ta pensamentu prinsipal di e teksto *Selfie: simplemente narsismo?*
- A E témino *selfie* a bira e palabra mas popular riba internèt pa e impakto ku publikashon di *selfie* tabatin bou di siguidó di diferente ret sosial manera Facebook, Twitter i Instagram.
 - B For di investigashon científiko na diferente universidat, ta sali bon kla ku sakamentu di *selfie* den nos komunitat moderno ta un ekspreshon moderno ku ta reflehá personalidat di e sakadó di *selfie*.
 - C Sakamentu di *selfie* a bira mas i mas popular ora e fenómeno akí a subi e retnan sosial, i a lanta komentario kontradiktorio di siguidó di e retnan akí.
 - D Ta klasifiká *selfie* como algu positivo òf negativo, pero internèt ta stimulá interkambio mundial, i como tal por usa *selfie* como un manera pa lanta emoshon i krea un imágen serka otro.

- 2p 17 Aki bou tin ponensia tokante e título *Selfie: simplemente narsismo?*
Indiká ku krus tras di kada ponensia si e ta korekto òf inkorekto.

Título di e artíkulo akí ta apropiá, pasobra e título ...	
1	- ta enfatisá un aspekto importante di e tópiko.
2	- ta indiká un relashon ku ret sosial.
3	- ta indiká sierto duda ku e teksto ta ekspresá tambe.

- 1p 18 Kon por tipifiká e teksto *Selfie: simplemente narsismo?* basá riba sorto di teksto?
- A Esaki ta un teksto argumentativo ku elemento aktivante.
 - B Esaki ta un teksto argumentativo ku elemento persuasivo.
 - C Esaki ta un teksto kontemplativo ku elemento aktivante.
 - D Esaki ta un teksto kontemplativo ku elemento persuasivo.

Fragmento

Opinion di dia

Por parse presumido òf narsista pa hende konstantemente publiká portrèt di nan mes online, pero indudablemente tin algu bon den sakamentu di *selfie* tambe. Sakamentu di *selfie* no nesesariamente ta nifiká vanidat. E por ta djis un hende su manera di bisa ‘Mi ta enkantá ku mi aparenzia na e momentu akí, i mi ke pa boso tur ta na altura.’ E por siña bo kere den bo mes, tantu visualmente komo emoshonalmente.

Ora bo saka un *selfie*, tin biaha bo ta haña ku bo no ta gusta bo propio kara. Pero tin momento tambe kaminda bo a saka un *selfie* estupendo ku ta yena bo ku orguyo. Ora bo wak un *selfie*, hopi biaha lo bo rekordá e gran sensashon di emoshon fuerte ku e *selfie* a kapta, rekordando e sintimentu akí di nobo.

Bo ta gusta saka *selfie* ku kuminda òf kos di bebe? Kisas bo ta un *foodie*. Bo kara semper ta kompañá pa e karanan di amigu? Bo ta saka *selfie* ku bo para òf kachó? Tur esaki ta duna un indikashon di bo karakter. Un kolekshon di *selfie* por ta un reflekshon di bo paden. Tin biaha bo *selfienan* por laga bo konosé asta parti di bo mes ku tabata deskonosí p’abo.

Ademas, no mester lubidá ku portrèt por ta un forma di arte. Por kompará portrèt ku pintura, pintura di bo mes. Den e sentido akí, por konsiderá *selfie* un arte. Ademas, ku e kantidat di app i programa di editá portrèt ku tin, hende por siña tokante eksposishon di lus, komposishon i muchu mas. Asina, hende por siña saka portrèt espektakular ku djis un simpel telefòn inteligente.

Pues, dal bai, saka un *selfie* ku ta alsa bo konfiansa propio ku un toke artístico!

Solamente trata na tene esaki bou di kèntròl i no yena album òf media sosial ku nan.

Pa Martin Jason Ita-as, tradusí i adaptá

- 1p 19 E fragmento aki riba ta elaborá riba un aspekto di *selfie* ku no ta bini dilanti den e teksto prinsipal.
Kua aspekto esaki ta?
- 1p 20 Lesa e promé frase di alinia 9 di e teksto prinsipal (‘*Banda di ... mes mihó*’). Sita e promé dos i e último dos palabranan di e frase for di e fragmento ku ta konfirmá esaki.
- 1p 21 Lesa e último dos frasenan di e fragmento. (‘*Pues, ... ku nan.*’)
Aki e outor ta duna un
A aprobashon.
B atvertensia.
C desaprobashon.
D rekomendashon.

4p 22 Aki bou ta sigui algun ponensia.

Indiká tras di kada ponensia si e ta kuadra ku loke tin pará den e teksto i/òf den e fragmento òf den ningun di dos.

Marka krus tur kaminda ku mester.

Ponensia	
1	Sakamentu di <i>selfie</i> tin su banda positivo i negativo.
2	Sakamentu di <i>selfie</i> por reflehá sierito defisiensia.
3	Un kantidat di <i>selfie</i> di un persona ta revelá su identidat.
4	Bo por eksperensiá sintimentu negativo ora bo wak <i>selfie</i> di otro persona.

Teksto 2 Digitalisashon, benefisio pa enseñansa?

18p 23 Skirbi un resúmen di e teksto **Digitalisashon, benefisio pa enseñansa?**

E resúmen mester ta na bon papiamentu, ku un struktura lógiko, i e mester ta komprendibel pa hende ku no konosé e teksto original.

Usa un máksimo di 190 palabra.

Inkluí e siguiente puntonan den bo resúmen:

- Ki fenómeno ta deskribí i kiko e pregunta sentral ta;
- Kiko e fenómeno ta enserá i for di ki desaroyo e ta originá;
- Ki argumento pro ta duna;
- Ki argumento kontra ta duna;
- Ki rekomendashon final ta duna.